



ԼՈՒՍԱՒՈՐԻՉ

ԵԿԵՂԵՑԻՆ ՏԱՆ ՄԷՋ

ԳԱՆԱՏԱՅԻ ՀԱՅՈՑ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ ԿՐՕՆԱԿԱՆ ԱՄՍԱԹԵՐԹ

Է. ՏԱՐԻ, ԹԻՒ 10, Հոկտեմբեր 2024



ԱՆՁՈՒԳԱԿԱՆ ԶՈՅԳԸ

Տօն Թարգմանչաց Վարդապետաց: Ազգային Եկեղեցական Տօն:

Տօնը հայ մտքի ու մշակույթի:

Ազգ ու եկեղեցի դարերէ ի վեր կը նշեն տօնը երկու անգուգական զոյգերու ընդմէջէն այն վարդապետներուն, որոնք թարգմանաբար

փոխանցեցին ու բացատրեցին Աստուածային խօսքի իմաստութիւնն ու ճշմարտութիւնը:

Անգուգական Զոյգը՝ Մեսրոպ Մաշտոց ու Սահակ Հայրապետ, Թարգմանչաց բանակը ղեկավարեցին ու մերժեցին երկրաւոր փառքի մեծութիւնը՝ հեռացնելու խաւարը եւ ճանչնալու Աստուածային իմաստութիւնն ու խրատը:

Անգուգական Զոյգի մտահոգութիւնն էր հոգեւորապէս ու մշակութային նկարագրով անկախանալ, ուրիշներէ տարբերիլ ինքնութեան պահպանմամբ:

Անգուգական Զոյգը եւ իրենց աշակերտները մեր կեանքը զարդարեցին կենդանի գիրերով՝ Աստուածային ճշմարտութիւնը թարգմանաբար հայացնելով:

Կենդանի գիրերը թուղթի վրայ չգրուեցան միայն, այլ դարձան բանակ անյաղթելի, գաղափարի, հաւատքի ու ապրումի վերածուցանման մեր կեանքին մէջ:

Անգուգական Զոյգին եւ անոնց թարգմանչաց աշակերտներուն կողմէ՝ Հայոց գիրերը դարձան 36 զինուորներով անյաղթելի բանակ, մեր ժողովուրդի ինքնութիւնը վտանգող երեւելի եւ աներեւոյթ գոյութեան կանգնելու սպառնալիքներուն դէմ պատնէշ կանգնելու:

Մէկ խօսքով Ե. Դարը ոսկեայ տառերով արձանագրուեցաւ մեր պատմութեան էջերուն մէջ, որովհետեւ հայ ազգը պայծառակերպուած ոչ միայն ստեղծեց իր ինքնուրոյն գիրերը, այլեւ ինքզինք յաւերժացուց:

Այսօր թարգմանիչ վարդապետները ուր են մեր կեանքին մէջ: Զգոյշ ենք համաշխարհայինացման վտանգաւոր ալիքներու հոսանքներէն, որոնք միայն կրնան մեզ հեռացնել մայրենիէն, հարազատէն եւ ազգայինէն:

Եկէք պահենք թարգմանչաց ոգին եւ դառնանք դպիրները «Անեղին Բանին», Աստուծոյ խօսքին ճշմարտութեան:

Ահա անչափելի ու անկշռելի արժէքը ԱՆՁՈՒԳԱԿԱՆ ԶՈՅԳԻՆ եւ Թարգմանչաց Վարդապետներուն:

ՐԱՐԳԷՆ ԱՐՔԵՊԻՍԿՈՊՈՍ

ԽՄԲԱԳՐԱԿԱՆ

Հոկտեմբեր ամսուան երկրորդ շաբաթ օրը, տօնն է Սուրբ Թարգմանիչ Վարդապետներուն:

Սուրբ Սահակ-Մեսրոպ «անգուգական զոյգ»ը հայ ժողովուրդը քրիստոնէայ պահելու համար՝ գիրերու գիտէն անմիջապէս ետք, ձեռնարկեցին Աստուածաշունչի թարգմանութեան՝ ամէն ճիգ ըրին հայր պահելու հայ եկեղեցւոյ ծոցին մէջ: Անոնք Աստուծոյ խօսքը հայացնելով՝ հայ քրիստոնէան մօտեցուցին Աստուծոյն, ամէն բան կատարեցին, որպէսզի հայ քրիստոնէան իր լեզուով, իր գիրերով ու իր յատուկ աղօթքներով խօսի Աստուծոյ հետ:

Սուրբ Սահակ-Մեսրոպ «անգուգական զոյգ»ին հիմնական աշխատանքներէն մէկը եղաւ պատրաստել նոր սերունդ մը, որ պիտի լծուէր թարգմանական ու ուսուցչական աշխատանքներուն: Կորին, Մովսէս Խորենացի, Եզնիկ Կողբացի, Եղիշէ, Դաւիթ Անյաղթ Փիլիսոփայ Հայոց Պատմութեան էջերուն վրայ ոսկեայ տառերով գրեցին իրենց անունները: Աւելի ուշ, Սուրբ Գրիգոր Նարեկացի եւ Սուրբ Ներսէս Շնորհալի իրենց լուսնային ձգեցին հայ մշակույթի եւ հայ եկեղեցւոյ գանձանակներուն մէջ եւ դասուեցան Թարգմանչաց Վարդապետներու շարքին:

Այսպիսի սերունդներու ժառանգորդներն ենք մենք:

Ոսկեդարէն 1500 տարի ետք, Հայ ժողովուրդը ապրեցաւ իր պատմութեան ամէնէն դաժան ժամանակաշրջանը: Թուրքը փորձեց քանդել դարաւոր պատմութիւնն ու հարուստ մշակույթն ունեցող մեր ազգը: Կործանեց եկեղեցիները, ատերեց դպրոցները, փորձեց փճացնել մեր գիրն ու գրականութիւնը: Հայը դարձաւ պանդուխտ: Հայը դարձաւ անտուն:

Հայ եկեղեցին եւս անմասն չմնաց այս կոտորածներէն: Սահակ Խաչապետան տարագիր Կաթողիկոս իր հօտին հետ դուրս դրուեցաւ Սիսի պատմական Կաթողիկոսարանէն: Ան իր հօտը առաջնորդեց եւ երկար թափառումներէ ետք, Հայոց Հայրապետը հասաւ Լիբանանի ծովեզերեայ Անթիլիաս քաղաքը:

Հայրապետը իր Աթոռը հաստատեց Անթիլիասի մէջ: Անոր առաջին եւ հիմնական աշխատանքը եղաւ հիմնել Կիրակնօրեայ Դպրոցներ, որոնց աշխատանքը պիտի ըլլար հայ փոքրիկները, հայ պատանիներն ու երիտասարդները դաստիարակել քրիստոնէական դաստիարակութեամբ եւ զանոնք պահել հայ եկեղեցւոյ ծոցին մէջ: Արդ, Կաթողիկոսական Սրբատառ Կոնդակով, 28 Յունիս 1930-ին, բացատրեց, թէ ինչ է Կիրակնօրեայ Դպրոցը: Անոր հիմնական նպատակն էր պատրաստել այնպիսի սերունդներ, որոնք պիտի դառնային ապագայի ղեկավարները:

Ուրախութեամբ կը յայտնենք, որ «Լուսաւորիչ»ի Հոկտեմբեր ամսուան թիւը նուիրած ենք Գանատայի Հայոց Թեմի Կիրակնօրեայ Դպրոցներուն:

Մեր Թեմի Կիրակնօրեայ Դպրոցները իրենց կարելին կ'ընեն, որ հայ մանուկն ու պատանին մօտենան Քրիստոսի, սիրեն Աստուածաշունչը, սորվին Աստուծոյ խօսքը, կապուին եկեղեցւոյ եւ ծանօթանան անոր սրբազան արժէքներուն:

Վարձքը կատար մեր տնօրէններուն եւ ուսուցչական կազմի անդամներուն:

Ազգային Առաջնորդարանը նախաձեռնեց եւ իրականացուց Թեմիս Կիրակնօրեայ Դպրոցներուն համար նոր դասագիրքերու ծրագիր մը: Դասագիրքերու հեղինակն է՝ Danish-Armenian Charitable Mission-ի Գործադիր Տնօրէն Պարոն Արշալի Գաբունեան, որուն ղեկավարութեամբ, իրենց մասնագիտական ներդրումը բերած են հոգեբան-մանկավարժ՝ Սիւզաննա Սարգսեան, արուեստագէտ՝ Շուշան Գէորգեան եւ մանկավարժ-խմբագիր Նայիրի Մկրտիչեան:

Վարձքը կատար Պարոն Արշալիին եւ աշխատակից անձնակազմին: Քաջալերենք մեր զաւակները, որ յաճախեն Կիրակնօրեայ Դպրոց, որովհետեւ հոն պիտի ստանան քրիստոնէական դաստիարակութիւնը: Հոն՝ անոնց հոգիներուն մէջ պիտի դրոշմուի Տիրոջ խօսքը: Հոն՝ անոնց սրտերուն մէջ պիտի ցանուի սէրը՝ հանդէպ մեր եկեղեցւոյ: Հոն՝ անոնց միտքը պիտի լուսաւորուի Թարգմանիչ Վարդապետներուն մեզի փոխանցած սրբազան արժէքներով:

Հետեւաբար, «Եթէ կ'ուզէք, որ այսօրուան պատանութիւնը վաղը չայլաստի, հոգ տարէք անոր Կրօնական Դաստիարակութեան»:

Հայր Յակոբ

ՈՍԿԵՂԷՆ ՀԱՄԱՐ

«Թող խաղաղութեան Աստուածը ձեզի կարողութիւն տայ՝ ամէն տեսակ բարեգործութեամբ իր կամքը կատարելու, որովհետեւ ինքն էր որ մեռնէրէն յարուցանեց մեր Տէր Յիսուսը, ան՝ որ իր արիւնով կնքուած յախտեանական ուխտով Հովուապետ եղաւ ամբողջ հօտին: Աստուած ինչ որ կամենայ՝ թող ներգործէ մեր մէջ Յիսուս Քրիստոսի միջոցաւ, որուն փառք յախտեանս: ԱՄԷՆ:» (Եբրայեցի 13:20-21):

“God has raised from death our Lord Jesus, who is the Great Shepherd of the sheep as the result of his blood, by which the eternal covenant is sealed. May the God of peace provide you with every good thing you need in order to do his will, and may he, through Jesus Christ, do in us what pleases him. And to Christ be the glory forever and ever! Amen.” (Hebrews 13.20-21)





ԿՐՕՆԱԿԱՆ ԴԱՍՏԻԱՐԱԿՈՒԹԻՒՆ

Եկեղեցույ մը բարեկարգ եւ պայծառ վիճակը կախում է իր ժողովուրդին գիտակցութենէն եւ կենդանի հաստատեմէն:

Հայ ժողովուրդը աշխարհաճանօթ է իր կրօնասիրութեամբ: Ասոր ապացոյցներն են ինչ միայն իր կառուցած հազարաւոր հոյակապ ու հայատիպ տաճարներն ու մատուռները, որոնց ակերակներն անգամ հիացում կ'առնեն դիտողներուն, այլ նաեւ իր ընտանեկան կեանքը, որուն սրբափայլ եւ կրօնասեր գեղեցկութիւնը այժմ բծաւորուելու վրայ է դժբախտաբար:

Ողջ քրիստոնէայ աշխարհը մտահոգ է այս հարցով: Որովհետեւ միեւնոյն երեւոյթը կը դիտուի ամէն տեղ, անհատական եւ ընտանեկան կեանքէն ներս: Սակայն, ասիկա տկարութիւն մըն է, որուն դարմանը գտնուած է:

Այդ դարմանը Կրօնական դաստիարակութիւնն է, որ պէտք է իրականացուի Եկեղեցույ միջոցով: Կրօնական դաստիարակութիւն՝ Եկեղեցույ բեմով, այսինքն՝ լաւ պատրաստուած պաշտօնեաներու կենդանի խօսքով, կանոնաւոր ժամերգութեամբ եւ պատանիներու մասնաւոր դաստիարակութեամբ. որովհետեւ այսօրուան պատանութիւնն է, որ պիտի կազմէ վաղուան ժողովուրդը:

Այս մասնաւոր դաստիարակութիւնը կը տրուի Կիրակնօրեայ Դպրոցներով:

Աշխարհաւեր պատերազմէն ետք, առաւել շեշտուեցաւ մեր Մայրենի Եկեղեցին բարեկարգ եւ զօրաւոր պահելու անհրաժեշտութիւնը, որովհետեւ մէկ կողմէն հայ ժողովուրդին առտնին, տնտեսական եւ քաղաքացիական կեանքին քայքայումը իր բնաշխարհին մէջ եւ ասոր հետեւող հալածանքներն ու կոտորածներն. Միայն կողմէն՝ հակակրօնական շարժումներ եւ միտումներ, վիրատրեցին սուրբ զգացումները մեր ժողովուրդին:

Հոգեւոր վերին իշխանութիւնը չէր կրնար անտարբեր դիտել Հայաստանեայց Եկեղեցույ կեանքը վրդովող այս երեւոյթը:

Եւ մեր պեփառ եւ Վեհափառ Սահակ Ա. Հայրապետը, 1930 Յունիս 28-ին, Կիրակնօրեայ դպրոցներու մասին իր հրատարակած սրբատառ ԿՈՆԴԱԿՈՎ բացատրեց ամէնուն, թէ ինչ է Կիրակնօրեայ Դպրոցին նպատակը:

Հայրապետական հրամանին եւ հրահանգին վրայ Կաթողիկոսական թեմերու մէջ կազմակերպուեցան Կիրակնօրեայ Դպրոցներ եւ կազմակերպուելու վրայ են, Ն.Ա. Օծութեան կողմէն նշանակուած ընդհանուր վերատեսուչ Տիար Լեւոն Զէնեանի ձեռքով եւ Ա. Առաջնորդներու օժանդակութեամբ:

Եպիսկոպոսական ժողովը, որ Մարտ 4-18 գումարուեցաւ Կաթողիկոսարանին մէջ, նկատի առնելով՝ Կրօնական Դաստիարակութեան պէտքը՝ մեր Եկեղեցույ զաւակներուն համար, որոշեց ինչ միայն մեր Ազգային դպրոցներու մէջ շեշտել կրօնքի դասերուն կարեւորութիւնը, այլ նաեւ կազմակերպել Կիրակնօրեայ Դպրոցները Կաթողիկոսութեանս բոլոր Թեմերուն մէջ:

Կարեւոր կը համարենք ուշադրութիւն հրաւիրել հետեւեալ կէտերուն վրայ:

Ա. Մեր Կիրակնօրեայ Դպրոցները, կը կազմակերպուին ուղղակի Կաթողիկոսարանին կարգադրութեամբ եւ Ա. Առաջնորդներու հսկողութեան ներքեւ, ինչպէս նաեւ Կրօնական Դաստիարակութեան Խորհուրդ անուն տեղական մարմիններու գործակցութեամբ:

Այս դպրոցներու կազմակերպութեան համար պատրաստուած եւ հրատարակուած է ԿԱՆՈՆԱԳԻՐ մը, 34 յօդուածներով, վաւերացուած Ն. Ա. Օծութեան Վեհ. Սահակ Կաթողիկոսի 1931 Փետ. 1 թուակիր պաշտօնագրով:

Բ. Ունանց կարծածին պէս՝ մեր Կիրակնօրեայ Դպրոցները կազմակերպելու եւ կատարելու համար Ամերիկայէն տրամադրուած գումարներ գոյութիւն չունին. Միայն Համաշխարհային Կիրակնօրեայ Դպրոցներու Ամերիկայի Կեդրոնական Վարչութիւնը կը հոգայ ընդհանուր Վերատեսչին տարերջակը, այն ալ ժամանակի մը համար միայն:

Ասիկա լաւ գիտնալով՝ հարկ անհրաժեշտ է, որ Առաջնորդարաններ իրենց բոլոր կարելի միջոցներով եւ որդեւեր ծնողներ իրենց կարողութեան չափով օգնեն, որպէսզի սրահներու եւ մանր մունր ծախքերու համար Կ.Դ. Խորհուրդները դժուարութեան չմատնուին:



Այս բոլորը պաշտօնապէս կը յայտարարուի եւ ջերմապէս կը յանձնարարուի որ Ա. Առաջնորդներ, պաշտօնական մարմիններ եւ բոլոր եկեղեցականներն ու աշխարհականներ, իրենց անկեղծ ու անվերապահ օժանդակութեամբ, քաջալերեն Կիրակնօրեայ Դպրոցներու կազմակերպումը ամէն տեղ եւ ապահովեն անոնց կանոնաւոր գործունէութիւնը:

1. Որովհետեւ պէտք է գիտնալ, որ հայ փոքրիկներ, հայ պատանիներ եւ հայ երիտասարդներ զաւակներն են հայ ժողովուրդին:

2. Հայ ժողովուրդին զաւակները պէտք է դաստիարակուին իրենց Մայրենի Եկեղեցույ մէջ:

3. Հոգեւոր վերին իշխանութեան պարտքն է հսկել Հայոց Եկեղեցույն բարեկարգութիւնն ու պայծառութիւնը:

Եթէ կ'ուզէք որ այսօրուան պատանութիւնը վաղը չայլաստի, հոգ տարէք անոր ԿՐՕՆԱԿԱՆ ԴԱՍՏԻԱՐԱԿՈՒԹԵԱՆ:

«ՀԱՍԿ» Ամսաթերթ
Ա. ՏԱՐԻ, ԹԻՒ 4
1932 - Ապրիլ

ԳԱՆԱՏԱՅԻ ՀԱՅՈՑ ԹԵՄԻ ԿԻՐԱԿՆՕՐԵԱՅ ԴՊՐՈՑՆԵՐԸ ՕԺՏՈՒԵՑԱՆ ՆՈՐ ԴԱՍԱԳԻՐՔԵՐՈՎ

Ինչպէս յայտնած էինք, հովանաւորութեամբ Գանատայի Հայոց Թեմի Առաջնորդ Գերաշնորհ Տ. Բարգէն Արքեպիսկոպոս Չարեանի եւ մեկենասութեամբ Մոնթրէալաբնակ Ազգային Բարերար Տիկին Շաքէ Կէօնեանի, Ազգային Առաջնորդարանը նախաձեռնեց եւ իրականացուց Թեմիս Կիրակնօրեայ Դպրոցներուն համար նոր դասագիրքերու ծրագիրը:

Ծրագիրը կ'ընդգրկէ Կիրակնօրեայ Դպրոցներու 6-7, 8-9 եւ 10-11 տարեկան աշակերտներուն համար կրօնական, եկեղեցական եւ բարոյագիտական բովանդակութեամբ դասագիրքեր, որոնք պիտի օգտագործուին Թեմիս բոլոր Կիրակնօրեայ դպրոցներուն մէջ: Ծրագիրը կը ներառէ աշակերտական դասագիրք, ուսուցիչի ուղեցոյց եւ խաղի ու վարժութիւններու տետրակ:

Նոր սերունդի հոգեւոր դաստիարակութեան նպատակով այս կարեւոր առաքելութիւնը կը ձգտի օժանդակութեան ձեռք մեկնել Կիրակնօրեայ Դպրոցներու ուսուցիչներուն, որպէսզի Աստուածաշունչն ու քրիստոնէական դաստիարակութիւնը սիրելի ու հաճելի դարձնէ աշակերտներուն:

Դասագիրքերու հեղինակն է՝ Danish-Armenian Charitable Mission-ի Գործադիր Տնօրէն Պարոն Արշաիր Գաբունեան, որուն ղեկավարութեամբ, իրենց մասնագիտական ներդրումը կը բերեն հոգեբան-մանկավարժ՝ Սիւզաննա Սարգսեան, արուեստագէտ՝ Շուշան Գէորգեան եւ մանկավարժ-խմբագիր Նայիրի Սկրտիչեան:



ԿԻՐԱԿՆՕՐԵԱՅ ԴՊՐՈՑՆԵՐՈՒ ԱՇԽԱՏԱՆՈՑՆԵՐ

Արդ, հովանաւորութեամբ եւ ներկայութեամբ Գանատայի Հայոց Թեմի Առաջնորդ Գերաշնորհ Տ. Բարգէն Արքեպիսկոպոս Չարեանի եւ կազմակերպութեամբ Ազգային Առաջնորդարանին Քրիստոնէական Դաստիարակութեան բաժանմունքի Վարիչ Հոգեշնորհ Տ. Յակոբ Վրդ. Եագուպեանի, 27-28 Յուլիսին Քեպէգի եւ 2-3 Օգոստոսին Օնթարիոյի մէջ տեղի ունեցան Թեմիս Կիրակնօրեայ Դպրոցներու ուսուցչաց տարեկան աշխատանոցները:

Այս խիստ կարեւոր ծրագրին համար, Հայաստանէն ժամանած էր դասագիրքերու հեղինակ՝ Պարոն Արշաիր Գաբունեան, որ մանրամասնօրէն ներկայացուց դասագիրքերուն կրօնական, եկեղեցական եւ բարոյագիտական բովանդակութիւնը, մանկավարժական մօտեցումները, դասաւանդման մեթոտաբանութիւնն ու անոր կից՝ աշխատանքային ատենամարզանքի, վարժութիւններու ու հմտութիւններու օժանդակող նիւթերը:

Աշխատանոցի երկրորդ բաժնով, ուսուցիչները ունեցան գործնական աշխատանք, որուն ընթացքին իրաքանչիւր ուսուցիչ կարգաց իրեն տրամադրուած Աստուածաշնչական որոշ հատուածներ եւ փորձեց գտնել նիւթեր, որոնք կը դիրացնեն ուսուցման մեթոտը: Նիւթեր գտնելով, ուսուցիչները կրցան աւելի ճիշտ ձեւով բացատրել Աստուածաշունչը:

Աւարտին, Առաջնորդ Սրբազան Հայրը օրհնութեան ու գնահատանքի խօսքով եզրափակեց բոլոր աշխատանոցները: Ան բարձր գնահատեց Պարոն Գաբունեանի կատարած աշխատանքը: Ապա, անդրադարձաւ Կիրակնօրեայ Դպրոցի ուսուցիչին զոհողութեան եւ նուիրումին՝ շեշտելով, որ միայն հաստատուած կատարած գործը կ'արգասաւորուի եւ մենք մեր հաստատուած ամուր պարիսպ կը դառնանք մեր պատանիներուն ու երիտասարդներուն համար:

Այնուհետեւ, Առաջնորդ Սրբազան Հայրը գնահատեց աշխատանքը բոլոր ուսուցիչներուն, որոնք օրէ օր աւելի նոր եւ արդիական միջոցներով կը զարգացնեն կիրակնօրեայի ծրագիրը: Սրբազան Հայրը նաեւ նշեց, որ նման հանդիպումները միայն աշխատանոցներ չեն, այլեւ հոգեւոր մեր կեանքը աւելիով ամրապնդելու առիթներ:





**ՍՈՒՐՔ ՅԱԿՈՔ
ԿԻՐԱԿՆՕՐԵԱՅ ԴՊՐՈՑ
(ՄՈՆԹՐԵԱԼ)**

Սուրբ Յակոբ եկեղեցու Կիրակնօրեայ Դպրոցը սկսա գործել՝ Կիրակի, 14 Սեպտեմբեր 1980-ին, Խաչվերացի տունի օրը:

Մեծի Տանն Կիլիկիոյ Ա. Աթոռին տարագրեալ եւ ծերունագարդ Հայրապետ՝ Սահակ Բ. Կաթողիկոս Խաչապետան, Հայաստանեայց Եկեղեցու Կիրակնօրեայ Դպրոցները հիմնած է 1929-ին եւ այդ առիթով հրատարակած իր Կոնդակին մէջ գրած. «Մենք կ'ուզենք, որ մեր Մայրենի Եկեղեցուն զաւակները հարազատ զաւակները ըլլան իրենց ընտանիքին, ազգին եւ եկեղեցուն»: Իսկ Աթոռակից Բարգէն Ա. գրած է «...կրօնական դաստիարակութիւնը պատմական իրաւունքն է հայ ժողովուրդին: Սահակ-Մեսրոպի եւ Վռամշապուի թագաւորի կատարած մեծ գործին զնահատանքը շատ բան կը կորսնցնէ իր ներքին իմաստէն, եթէ զանց առնուի կրօնական դաստիարակութիւնը Հայ եկեղեցու, Հայ տան եւ Հայ Դպրոցին մէջ: Եթէ կ'ուզէք որ այսօրուան պատանութիւնը վաղը չայլասերի, հոգ տարէք անոր կրօնական դաստիարակութեան՝ Կիրակնօրեայ դպրոցներով»:

Այս գիտակցութեամբ եւ ոգիով է, որ 1980-ին Հոգեւոր Հովին ու Հոգաբարձութիւնը կ'որոշեն Համայնքը օժտել Կիրակնօրեայ Դպրոցով:

Հովիւր որոշումը իրականացնելու համար գործը կը յանձնէ խումբ մը կամաւորներու: Սկզբնական այս աշխատանքին մեծապէս կ'օժանդակեն Այտա Պաղչեճեան, Յարութիւն Փալանճեան, ինչպէս նաեւ Տէր եւ Տիկ. Զաւէն եւ Վալանթին Ապտալեան: 1997-էն ի վեր Տնօրէնն է Թորոս Պապիկեան:

Ս. Յակոբ Կիրակնօրեան շատ դժուարութիւններու մէջէն անցնելով՝ հասած է մինչեւ թուականն եւ 2024-25 տարեշրջանը անոր հիմնադրութեան 45 ամեակն է:

Մինչեւ 1997-98 տարեշրջան, Կիրակնօրեայի վերջին կարգը եղած է 6-րդ դասարանը: Նոյն տարեշրջանէն մինչեւ 2001-2002 տարեշրջան՝ վերջին կարգը եղած է 8-րդ դասարանը. Իսկ անկէ ետք, վերջին կարգը 11-րդ դասարանն է: 2021-22 տարեշրջանին նաեւ ունեցաւ CEGEP-ի դասարան մը, մասնաւոր ծրագրով:

«Մաշտոցի Արձագանգ»

Կիրակնօրեայ դպրոցի պարբերական «Մաշտոցի Արձագանգ»ը հրատարակութեան երեք հանգրուաններ ունեցած է: Առաջին հանգրուանին, զայն խմբագրած են խումբ մը ուսուցիչներու օգնական աշակերտ պատանիներ: Առաջին թիւը լոյս տեսած է 20 Դեկտեմբեր 1992-ին, իսկ վերջինը՝ 11 Դեկտեմբեր, 1994-ին. ընդհանուր հրատարակուած է 13 թիւ: Երկրորդ հանգրուանը կ'երկարի 1995-2002: Այս տարիներուն, պարբերականը լոյս տեսած է իբրեւ տարեգիրք՝ իւրաքանչիւր տարեշրջանի աստիճան: Երրորդ հանգրուանի սկզբնաւորութիւնը կը զուգարդիայի «Մաշտոցի Արձագանգ»ի հրատարակութեան 10-ամեակին. 2002-2003 տարեշրջան: Այս թուականէն ասդին «Մաշտոցի Արձագանգ»ը լոյս կը տեսնէ տարեկան 10 ամսական (Սեպտեմբեր - Յունիս) եւ մէկ բացառիկ թիւերով: Զայն կը խմբագրէ Շաղիկ Թորիկեանը: Այս վերջին հանգրուանի «Մաշտոցի Արձագանգ»ը հարուստ բովանդակութիւն կ'ունենայ: Անկէ պատճենահանեալ օրինակներ տրամադրելի կ'ըլլան բայց տարածումը առաւելաբար կը կատարուի համացանցի միջոցով է :

www.sourphagop.org

10 Դեկտեմբեր 2000-ին, Սուրբ Յակոբի տունի օրը, դպրոցը ունեցաւ իր Կայքէջը հետեւեալ բաժիններով. Մեր մասին, Սուրբեր, Տօներ, Գիրքեր (ուր կրնաք գտնել մեր դասագրքերը, Ազգապատումը իր երեք հատորներով, Բառարան, Եկեղեցական Բառարան, Սուրբ Պատարագը, Ժամագիրքը, Գրաբար Նոր Կտակարանը եւ Կրօնական Գիտելիքները), Ժամանակացոյց, «Մաշտոցի Արձագանգ» ի բոլոր թիւերը, Ճաշու Աւետարան, Սուրբեր, Տօներ, Church Timeline, Daily Bible:

ԴՊՐՈՑԻ ԱՌՕՐԵԱԼ

Կիրակնօրեայ Դպրոցի առօրեան կ'ընթանայ Հայաստանեայց Եկեղեցու Կիրակնօրեայ Դպրոցներու դասաւանդական հիմնական կառուցումներին համաձայն՝ լսարանային եւ դասարանային բաժանումներով, ուր կը դասաւանդուին Ս. Գրային, ծիսական, բարոյագիտական եւ գործնական ծանօթութիւններ, գիտելիքներ եւ աղօթքներ, հայերէն Աստուածաշունչ բանալի եւ կարդալ, Հայկական տօներ, Հայ Սուրբեր, Հաւատամբ, Հաւատով Խոստովանիմ, Հայ եկեղեցու պատմութիւն, Հայ եկեղեցու տաղաարներ, երգեր եւ շարականներ, Ձեռային աշխատանքներ:

10:30-11:00 Հաւաք
11:00 -11:10 «Հայր մեր», Աղօթք, Օրուան խորհուրդը, Կիրակնօրեայ Դպրոցներու մաղթերգ
11:10 - 11:45 Ա. դասապահ
11:45- 12:20 Բ. դասապահ
12:20-12:55 Գ. դասապահ
12:55-13:05 Աղօթք, Մասի բաշխում, Արձակում:

- 2024-25 Տարեշրջանի դասարաններ
- Մանկապարտէզի Բողոքոջ եւ Կոկոն
 - Ծաղիկ եւ Նախակրթարան Ա.
 - Նախակրթարան Բ. եւ Գ.
 - Նախակրթարան Դ.
 - Նախակրթարան Ե.
 - Նախակրթարան Զ.
 - Երկրորդական Ա.
 - Երկրորդական Բ. եւ Գ.
 - Երկրորդական Դ. եւ Ե.



2024-25 Տարեշրջանի Կիրակնօրեայ Դպրոցի Կամաւոր Խմբակը ունի 18 անդամ եւ կը ներառէ՝ Տնօրէն, Երկրորդականի Պատասխանատու, Դաստիարակներ, Օգնականներ, Կայքէջի պատասխանատու, «Մաշտոցի Արձագանգ»ի խմբագրութիւն եւ Social Media-ի պատասխանատու: Յաւելեալ տեղեկութիւններու համար այցելեցէ՛ք .

- «Մաշտոցի Արձագանգ»ի 2024-ի Տարեկան բացառիկը՝ <https://www.sourphagop.org/period/vol31special.pdf>
- <https://www.facebook.com/sourphagop.org>
- https://www.instagram.com/sh_sundayschool/

ՏՆՕՐԵՆՈՒԹԻՒՆ
ՍՈՒՐՔ ՅԱԿՈՔ ԿԻՐԱԿՆՕՐԵԱՅ ԴՊՐՈՑԻ

**ՍՈՒՐՔ ԳԷՈՐԳ
ԿԻՐԱԿՆՕՐԵԱՅ ԴՊՐՈՑ
(ԼԱԻԱԼ)**

«Զգեցէք որ մանուկները ինծի գան, արգելք մի՛ ըլլաք անոնց, որովհետեւ այդպիսիներուն է երկնքի արքայութիւնը»: (Մատթէոս 19:14)

Այս կոչով Յիսուս դիմեց այն հոծ բազմութեան, զորս թզենիի եւ ձիթենիի ճիւղերով գինք դիմատրելու եկած էին Երուսաղէմի մուտքին: Այդ նոյն կոչով ու գիտակցութեամբ Մեծի Տանն Կիլիկիոյ երջանկայիշատակ հայրապետ՝ Սահակ Կաթողիկոս Խաչապետանը, շուրջ 95 տարիներ առաջ, ձեռնարկեց եւ հրամանը տուաւ Կիրակնօրեայ դպրոցներու ստեղծումին, քաջ գիտակցելով, որ մանուկները մեր ազգի ու եկեղեցու յոյսն ու ապագան են, պէտք է զանոնք Քրիստոնէական հասարակութիւնը ու սկզբունքներով թրծել՝ պատրաստելու համար հաւատարմ եւ քրիստոնէական արժէքներով հայորդիներ:

Նոյն մղումով եւ նպատակով, Լաւալի Սուրբ Գէորգ եկեղեցու իոզեփ Իոզի՛ Տէր Հրայր Քինյ. Նիկոլեանը, 1999-ի Սեպտեմբերին, պաշտօնական հանդիսութեամբ, հիմը դրաւ Լաւալի Ս. Գէորգ եկեղեցու Կիրակնօրեայ վարժարանին, տնօրէնութիւնը վստահելով՝ Տիկ. Պայծառ Աւետիքեանին (1999-2006), որուն յաջորդեցին Տիկ Սեդա Թօփուզեան (2007-2019) եւ Տիկ. Նանոր Սարգիս Թամամեան (2019-էն ցայսօր):

Վարժարանի գործունէութեան առանցքը եղած է հայ մանուկին ջանքել կրօնական դաստիարակութիւն եւ Հայաստանեայց առաքելական եկեղեցու վերաբերեալ գիտելիքներ եւ ծանօթութիւններ, ինչպէս նաեւ տրվելն աղօթքներ, սաղմոսներ, աստուածաշնչական պատումներ եւ բարոյական արժէքներ:

Վարժարանը այսօր կը հաշուէ մօտաւորապէս 60 աշակերտ, 5-էն 13 տարեկան, բաժնուած 5 դասարաններու.

- Հրեշտակ Ա. եւ Բ. դասարան (5-6 տարեկան)
- Հաւատք դասարան (7-8 տարեկան)
- Յոյս դասարան (9-10 տարեկան)
- Սէր դասարան (11-13 տարեկան):



Կիրակնօրեայ ծրագիրին կողքին, Միջին եւ երեք դասարաններու աշակերտները, ամէն կիրակի, պատարագի արարողութեան ընթացքին, ճաշու անտարանի ընթերցումները կը կատարեն, ինչպէս նաեւ՝ Ս. Ծնունդի եւ Ս. Զատիկուան աստուածաշնչեան ընթերցումները, Ս. Ծնունդի ատեմիսի շրջագայութիւնը դարաց դասին հետ, կարիքաւորներու եւ տարեցներու այցելութիւն երիտասարդաց խումբին հետ:

Մեր մանուկները Աստուածատուր պարգեւ են մեզի շնորհուած, արժէք են, պէտք է զանոնք կրթել եւ դաստիարակել ճշմարիտ ուսուցումներով:

Թող Աստուած իմաստութիւն շնորհէ մեր ծնողներուն եւ ուսուցիչներուն, որպէսզի կարենան հայ նորահաս սերունդը մօտեցնել եւ հարողակից դարձնել մեր սուրբ եկեղեցու ազգային ու հոգեւոր յանձնարարական արժէքներուն, դարատուր ասանդութիւններուն ու սրբազան ժառանգութեան:

ՏՆՕՐԵՆՈՒԹԻՒՆ
ՍՈՒՐՔ ԳԷՈՐԳ ԿԻՐԱԿՆՕՐԵԱՅ ԴՊՐՈՑԻ





ՍՈՒՐԲ ԱՍՏՈՒԱԾԱԾԻՆ ԿԻՐԱԿՆՕՐԵԱՅ ԴՊՐՈՑ (ԹՈՐՈՆՏՕ)

Թորոնթոյի Ս. Աստուածածին Հայոց Առաքելական Եկեղեցւոյ Կիրակնօրեայ դպրոցը հաստատուած է 1990-ին, առաջին հիմնադիր տնօրէնուհի՝ Օր. Էօժէնի Շէիրեանի տեսչութեամբ:

Տարիներու ընթացքին նուիրեալ տնօրէն-տնօրէնուհիներ ինչպէս նաեւ ուսուցիչ-ուսացչուհիներ իրենց ներդրումը ունեցած են Կիրակնօրեայ դպրոցին յառաջդիմութեան, ծաղկման ու բարգաւաճման գործին մէջ:

Այսօր Թորոնթոյի Կիրակնօրեայ դպրոց կը յաճախեն 80-է աւելի աշակերտներ, որոնք կը ստանան հարուստ կրօնաբարոյական գիտելիքներ եւ իրենց գործօն մասնակցութիւնը կը բերեն եկեղեցւոյս առաքելութեան:

Աշակերտները կը սորվին աղօթքներ, շարականներ, Հայ Եկեղեցւոյ պատմութիւն, ծիսական գիտելիքներ, տօներու եւ սուրբերու յատուկ գիտելիքներ, ատենաբանական առակներ եւ ոսկեղէն համարներ:

Իւրաքանչիւր կիրակի օգնական ուսուցիչ-ուսացչուհիները աստուածաշնչական ընթերցումներ կը կարդան պատարագի ընթացքին, իսկ աշակերտները՝ Հաւատով Խոստովանիմ աղօթքը Հսկումի Ժամերգութեան ընթացքին:

Անոնք իրենց մասնակցութիւնը կը բերեն նաեւ Ս. Ծննդեան, Տասը Կուսանաց եւ Ս. Զատկուայ Ս. Գրոց ընթերցանութեանց:

Աարտական Նարեկացի դասարանի աշակերտները Ազգային Առաջնորդարանին կողմէ իրենց վկայականները ստանալով, կը շարունակեն աշխատանքը Կիրակնօրեայէն ներս, որպէս օգնական ուսուցիչ-ուսուցչուհիներ:

Տարիներու ընթացքին անոնք կը պատրաստուին ուսուցչաց դասընթացքներու մասնակցելու եւ ուսուցիչի վկայական ստանալու:

Այս տարի ունինք 9 ուսուցչուհիներ, որոնք Հոկտեմբեր 20, 2024ին կը ստանան իրենց ուսուցչական վկայականները, իսկ Նարեկացի դասարանէն 4 աշակերտներ իրենց արտական վկայականները:

Մեր Կիրակնօրեայ դպրոցը ունեցաւ նաեւ «Նորածիլ Հաւատք» թերթը, որ լոյս տեսաւ յունուար 2024 ին:

2022-էն սկսեալ Թորոնթոյի Ս. Աստուածածին Կիրակնօրեայ դպրոցը Օգոստոս ամսուան ընթացքին կազմակերպած է հնգօրեայ Ս. Գրային ճամբար, որ մեծ յաջողութիւն գտած եւ շատ սիրուած է Թորոնթոյի համայնքի երեխաներուն կողմէ:

Յունիս 7, 2023 Կիրակնօրեայ դպրոցի ուսուցչական կազմը եւ աշակերտութիւնը Հայրապետական մաղթերգով եւ Փառաբանական սաղմոսով մասնակից դարձաւ Վեհափառ Հօր Թորոնթօ այցի պաշտօնական ընդունելութեան ծրագրին:

Այս տարի ես մեր կիրակնօրեայ դպրոցը իր դռներն ու սիրտը լայն բացած, կրկին անգամ՝ նոր թափով ու հոգեւորոգ հաւատքով, պիտի լծուի իր սուրբ առաքելութեան՝ մեր ժողովուրդի զաւակներուն քայլերը Աւետարանին, Շարականին ու աղօթքներուն ընդմէջէն, առաջնորդելու ու բարձրացնելու դէպի Աստուածագիտութեան լոյսը:

Կ'աղօթենք որ Աստուած մեր ծնողներուն եւ ուսուցիչներուն պարգեւէ ու շնորհէ երկնային իմաստութիւն եւ աննկուն կամք ու հաւատք, որպէսզի իւրաքանչիւր հայորդիի հոգին, միտքն ու սիրտը պայծառանայ լուսատրչեան լոյսով ու շնչէ իր մարմնին վրայ դրոշմուած միտոնած բոլորով:



ՏՆՕՐԷՆՈՒԹԻՆ
ՍՈՒՐԲ ԱՍՏՈՒԱԾԱԾԻՆ ԿԻՐԱԿՆՕՐԵԱՅ ԴՊՐՈՑ

ՍՈՒՐԲ ՀՈԳԻՆ ՄԻՒԹԱՐՈՒԹԻՒՆԸ ԽՆԴԻՆԼՈՒ ԱՂՕԹՔ

Քու խաղաղութեամբ, Հոգի՛ Սուրբ, Աստուած ճշմարիտ, որ վեր է ամէն մտքէ ու խորհուրդէ, մխիթարէ մեզ՝ քու ծառաներդ, ընդունելով մեր աղաչանքը: Դուն՝ որ բարեբար ես, ջնջէ մեր յանցանքներուն արժանի ահաւոր պատիժը: Ներողամիտ եղի՛ր եւ լսէ՛ մեզ, քաւէ՛ եւ ներէ՛ մեր մեղքերը: Արժանի ըրէ՛ գոհութեամբ փառաւորելու քեզ՝ Հօր եւ Միածին Որդիին հետ միասին. այժմ եւ յալիստեան:

ԱՄԷՆ:

ՍՈՒՐԲ ՆՇԱՆ ԿԻՐԱԿՆՕՐԵԱՅ ԴՊՐՈՑ (ԳԷՄՊՐԻՃ)

Ս. Նշան եկեղեցին տարիներ առաջ ունեցած է իր աշխոյժ կիրակնօրեայ դպրոցը: Շրջան մը, պարագաներու բերումով դադրելէ ետք, կրկին իր դռները բացաւ 2017 ին, մինչեւ օրս շարունակելով իր առաքելութիւնը:

Աշակերտութեան թիւը կը տարուբերի 20-30 միջեւ: Ունինք աշխոյժ ուսուցչական կազմ, որոնք ամէն կիրակի ջանք չեն խնայեր աշակերտութեան ներկայացնել օրուայ Աստուածաշնչական դասը, հաճելի եւ հետաքրքրական ու սերտուած մեթոտներով:

Եկեղեցւոյս հովին ու հոգաբարձութիւնը մօտէն հետաքրքրուած են կիրակնօրեայի բոլոր հարցերով ու կարիքներով:

Կ'ունենանք մեր տարեկան Ս. Ծննդեան, Յարութեան եւ ամավերջի ելոյթները: Աշակերտները իրենց մասնակցութիւնը կը բերեն ճրագալոյցի ընթերցումներուն, իսկ աշակերտուհիները՝ Տասը Կուսանացի արարողութեան:

Այս տարի կիրակնօրեայ դպրոցի աշակերտութիւնը այցելեց շաբաթօրեայ դպրոց եւ իր ելոյթով փոխանցեց Ս. Ծննդեան պատգամը:

Թող Աստուած արատապէս օրինէ մեր հայ մանուկները եւ Իր շնորհքին ներքեւ պահէ՛ զանոնք:

ՏՆՕՐԷՆՈՒԹԻՆ
ՍՈՒՐԲ ՆՇԱՆ ԿԻՐԱԿՆՕՐԵԱՅ ԴՊՐՈՑ



PRAYER

O God of truth and Father of mercies we thank thee, who hast exalted our nature, condemned as we were, above that of the blessed patriarchs; for thou wast called God unto them, whereas in pity thou hast been pleased to be named Father unto us.

And now, O LORD, we beseech thee, make the grace of so new and precious a naming of thyself shines forth and flourish day by day in thine holy Church.

The Divine Liturgy of the Armenian Apostolic Church
[The Prayer of the Paternal Name]